

吳伯雄
編

陳壽祺全集

39



廣陵書社

陳壽祺全集

 廣陵書社

第三十九册

卷百九十六明人物列傳福州府（一）……………一

卷百九十七明人物列傳福州府（二）……………八一

卷百九十八明人物列傳福州府（三）……………一五三

卷百九十九明人物列傳興化府（一）……………二六九

卷二百明人物列傳興化府（二）……………三七三

重纂福建通志卷之百九十六

人物

明福州府列傳

閩縣沈士榮

林興祖

林觀

子斌

林祐

鄭閻

兄關

黃

澤

孫雍

林碩

董龢

弟秀

陳叔剛

弟叔紹

叔叔紹

叔紹

叔紹

孫堪

吳復

薩琦

羅泰

弟澤

陳傳

王

王

英車寧

趙榮

邵銅

高瑤

陳熿

弟燿

子璽

燿

子墀

墀

林瀚

子庭杓

庭模

庭模

庭枝

陳紀

周熊

子朝

璽

林泮

兄清源

陳桂

子達

何顯

許天錫

張

張

張

張

林璽

弟璽

林泮

兄清源

陳桂

子達

何顯

許天錫

張

張

張

張

海林庭梈

鄭善夫

鄭餘慶

張孟中

趙德剛

林炫

劉世揚

鄭漳

高世魁

謝蕡

葉奇

葉奇

葉奇

陳文浩 陳元珂 林庭機 林庭壘 鄭渭子士奎

林燦子世吉 陳柯 陳謹 鄭雲瑩 林煙 陳樂 董

廷欽 林材子宏衍 鄧原岳 董應舉 陳國是 林文

熊 林先春弟鼎春 董養河子謙吉 林鑄禹

閩縣

沈士榮閩人未詳何郡人今依年代列此 洪武十五年以儒士應聘上疏言臣

欽承敕符受國重聘赴京師論治道臣愚蒙不足以答聖意然使臣不肖之言得行則賢於臣者必皆彙進言恐後矣賢之難遇千萬不得一二如淘沙中之金厭沙而不淘則金不可得也用人而歷試之如鑛之鍊銀也若不鍊而用則不能成器願陛下詳加採擇勿謂儒者皆賢而盡用之或一士未稱餘士皆棄則賢在其中

亦莫能辨此猶金之未淘也進用之初或不當其職其人雖有才
能已先敗事此猶銀之未鍊也陛下以武功定天下拯生民於水
火之中臣竊爲千古豪傑慶快豈不思竭愚忠贊一言之助哉如
蒙賜優容給以紙劄條列事宜或入侍左右劇論庶事臣之願也
帝手詔褒諭曰昔周舍欲操筆載牘隨君之後日記月效其君悅
之卿八閩志士守儒道久矣據誠納忠欲罄所懷非但朕愛卿聞
卿之風者皆知愛卿矣若守此不變將同古人名垂後世卿其勉
之尋擢爲翰林待詔

林興祖字伯禎父子華元季以員外郎鎮潮州遂家於潮興祖幼
善屬文家貧教授以養母洪武閒母嘗坐舅氏累拘縣庭將笞之
興祖號哭哀切請代遂並釋翼日縣以禮幣舉孝廉上京師授蓬

萊主簿三年坐稽公務降龍江驛丞母憂服闋改楊州府儀真遞
運大使郡饑時夏原吉爲採訪使得便宜行事在福建知府集其
屬曰民孳可憫孰能詣夏公求賑者興祖願往卽懷郡牒晝夜倍
程趨閩原吉卽檄郡發廩民賴以濟知府薦於朝擢當塗知縣滿
一載陞代府長吏久之召還改都水郎中遷廣西右參政時用兵
安南命馳驛之任至卽躬詣邊境周視險易繪圖以進且請無濫
誅踰年安南平設郡縣調興祖爲交趾參政綏輯降附振起凋殘
未幾餘寇復叛興祖守盤灘城所招降三十餘人使居城中寇圍
城急主帥慮生變將盡殺之興祖曰吾旣許以不死殺之不信且
三十人何能爲寇尋解再歲朝京師至藤縣卒興祖爲人凝重有
雅度終日端坐未嘗有疾言遽色事寡姊如母撫孤甥如子其友

張禮聞爲學正死濱州子政孤弱不能歸與祖攜至廣西與其子同學政後亦致通顯

林觀字用賓少負大志謁成祖於潛邸一見語合畱行營使掌功載及帝卽位以靖難功累官錦衣衛指揮僉事帝從容諭曰卿今任職更宜讀書又謂近臣曰觀事朕久篤慎可嘉每隨軍北征不遇驢馬各一而已尋有譖者帝知其妄曰觀安有此自是眷注益專命署禮部郎中使審察民隱又奉使朝鮮悉卻餽贐帝聞賜綵衣麟袍寵之仁宗卽位首擢陝西都指揮使宣宗立馳驛召還旣仍掌衛事卒遣官諭祭護喪歸子斌世襲錦衣僉事亦忠廉舉職

按林元美父觀亦字用賓與此名字俱同

林祐十歲嘗刲股愈父病弱冠爲掾治獄訟不苛民坐出私物市

海外繫獄蔓延祐白官直之卒不自言永樂初例召京師從豐城侯李彬出鎮江西選入內府授寶鈔局提舉遷通政司經歷驗封郎中宣德初告歸省墓錫鈔給驛以寵異之祐歷官皆在內府供事三十餘年小心謹慎而性剛直不設城府與人交重然諸尙氣義朋友有過必斥之既改卽忘王偁高棟陳仲完皆與交好

鄭閻字公望嗜學不倦精三禮與鄭定王恭王偁林誌諸人討論經史百家言及品列古今人物文章旁通醫歷諸書能詩善畫永樂壬辰成進士觀政刑部與尙書爭獄遂自乞爲教官授安陸州學正改無爲終廣信教授凡三十年閻性和而疾惡不假借友人洪英爲都御史歸舉行李僅十餘輩閻猶薄之不往省候英曰公望雅舊何咫尺不一往閻曰似聞公厚貲耳少師楊榮謂我閩士

大夫之恬退者首鄭閻次則員外郎浦城陳九疇也兄關

閩書誤作關

字公啓閻字公立閻溫厚而關與閻皆俊邁時有德門三鳳之目黃澤字至仲永樂壬辰進士擢河南左參政汜水縣民避天壽山役逃竄幾半南陽多流民澤循行使皆復業衛河泛漲衝輝倉漂粟麥巡按御史霍莘等以虧損報詔令民補原額澤奏免之移調湖廣宣宗立下詔求言澤上疏言正心卹民敬天納諫練兵重農正貢獻明賞罰遠嬖倖汰冗官十事其言遠嬖倖曰刑餘之人其情幽陰其慮險譎大奸似忠大詐似信大巧似愚寵之甚易遠之甚難是以古者宦寺不使典兵干政所以防患於未萌也此輩宜一切疏遠勿使用事漢唐已事彰彰可監當成祖時宦官稍稍用事宜宗浸親幸於十事中此爲尤切帝雖嘉歎不能用也其後設

內書堂而中人多通書曉文義宦寺之盛自宣宗始宣德三年擢浙江布政使奏罷無徵米六十萬石復上言平陽麗水等七縣銀治宜罷并請罷諸坑冶語甚切帝歎息曰民困若此朕何由知遣官驗視遂減七邑冶課銀九萬兩并請免紹興金華諸府商稅在任九年劾罷不職郡縣吏五十七人謗議四起竟坐落職澤正直通敏體國卹民嘗奏金華台州戶口較洪武時耗減而歲造弓箭如舊乞減免下部議得允而澤已罷官踰月矣歸田後一意著述爲詩清揚瀟散婉而多風孫雍字伯敬好窮經事父母極孝撫諸弟有恩築室邑之前嶼以耕稼爲樂歲入之餘悉以分貧者

林碩字懋宏永樂壬辰進士擢御史凡有疑獄必簡碩會訊多平反嘗劾蜀王不法帝嘉其直書名御屏宣宗初按浙江劾漕運侍

郎蘭芳縱恣就擢按察使千戶湯某結中貴裴可烈烈諸書皆作立今遵明史爲奸利碩將繩以法可烈遂誣奏碩毀詔書被逮碩叩頭言前爲御史官七品今擢按察官三品日夜淬勵思報上恩實無誹謗語帝曰汝與人有讎怨乎碩言臣爲按察使無幾時度亦無怨臣者臣前巡按浙江時執法不假借人多有不便臣者今欲去臣以自便唯陛下裁察帝動容曰朕固未之信召汝面訊耳命馳驛之官碩被逮日妻與繼母亦逮至茶洋飛詔釋之遂降敕切責可烈碩旣復官益飭風紀禽諸寇史慶真童進等散其黨直被冤者七百餘家境內肅然紹寧溫台四衛士卒舊例月給糧二斛俾專守海後給其半而遠役之碩疏言之悉復如故碩在浙九年嚴而不苟人懷其惠累奏言洪武初鈔重物輕故當時定律官吏受贓枉法

八十貫律絞方今物重鈔輕苟非更革刑必失重乞以糧米爲準不聽正統三年誤引赦例出人死僉事耿定劾之逮訊輸贖還職以繼母老請終養歸其冬遷廣東布政使未及任而卒

董蘇字積中永樂戊戌進士授戶部主事督賦蘇州杜私謁立限期禁漁獵民皆如期納有偽造冊籍者當得罪其人暮夜囊金乞貸蘇執而治之還京遷員外郎又命督淮安倉倉官率以折買蘆席爲辭橫斂輸戶蘇除其弊還遷郎中正統初擢山東右參政時山東屢荒民多流徙蘇疏請蠲賦而招徠之民復業者四萬五千餘家俗多自斃幼子以誣仇家蘇嚴坐誣者召父老理論之其風漸息尋擢貴州左布政使苗寇弗靖蘇躬率民兵入其隘諭以朝廷柔遠之仁眾皆歡呼羅拜馬首以去景泰初乞致仕歸弟秀字

實中博學工吟詠正統中以經明行修薦授古田訓導再補寧德
遷雲夢教諭

陳叔剛名棖以字行祖鉅字伯榮有篤行有族人困於賦役盡鬻
其產居他境鉅勸其還割已田構室廬居之父週字仲昌通春秋
旁及圖史百氏陰陽地理之學好爲詩隱居不仕嘗構萬玉潭草
亭種竹萬箇少師楊士奇爲之記叔剛少從武岡訓導劉九疇受
春秋永樂辛丑登進士復從諭德林誌學古文誌作原文貽之其
學與文遂並進宣德初拜御史嚴重不苟預修太宗仁宗實錄遷
翰林修撰時以他官預修者數人獨留叔剛在翰林人皆以爲宜
丁母憂廬墓哀毀逾禮正統初服除修宣宗實錄充經筵講官陞
侍讀聞父病乞歸省得狂易疾少瘥矣遭父喪疾益甚竟卒叔剛

溫雅潔慤言行皆有思裁見人過密規而疏覆之爲詩冲和瞻矚各極其妙弟叔紹叔復叔紹名振以字行亦精春秋學少無宦情安福劉球雅善叔剛故聞叔紹名勸之出乃補諸生年三十矣正統乙丑進士選御史景泰初朝廷多故臺端有所建白彈擊皆叔紹爲之倡遷湖廣副使同刑部郎中許振審錄冤獄多所平反卒於官叔紹有孝行母病嘗糞以驗瘥劇叔剛沒孤煒甫十歲叔紹撫成之叔復名栖以字行二兄旣貴叔復獨綜家政居鄉不苟取予好紓人之急撫教子姪嚴而有法叔剛子煒燿叔紹子煒叔復子桂從子煒燿煒燿桂自有傳煒字文厚成化辛卯舉人性疏曠斷家累去義谿十里營桐山居之築塢植梅嘯詠其下工詩善草書達官貴人求不能得至具酒脯屬田父野叟反得之晚復棄去

築屋棲雲自號棲雲叟與從弟僉事炷布政林堃等結秋江夜泛詩社者三十餘年惇字文盛爲太學生煊字文煊家貧教授於鄉俱工詩叔紹孫堪字德輿亦工詩築悠然亭於義山之麓隱居其中堪子嚴之名朝鈇以字行隆慶戊辰進士萬厯間官永昌知府以破緬甸功擢雲南副使既而巡按御史蘇勣劾副使李材等虛張功伐詞連嚴之逮詔獄除名

吳復字克禮永樂閒由知印授太平府豐濟倉大使擢海鹽主簿改吳縣宣德九年知府況鍾知其才擢知其縣有治績遷工部主事景泰初累官右通政厯工部右侍郎遣治河決還報稱旨天順七年以老乞歸易州吏民詣闕奏畱復屢疏辭大學士李賢爲文贈之所居螺江之陽有亭爲燕遊所名曰水木清華

薩琦字廷珪其先西域人後著籍閩縣琅之子也

琅見孝義傳

宣德庚

戌進士選庶吉士授編修景泰初厯官禮部侍郎兼少詹事天順元年卒遣官諭祭命有司營葬琦學有源委狷潔不苟合名行爲時所重仕二十年不以家累自隨一變色目之俗喪葬皆用朱子家禮士論賢之建祠西郊廉山

羅泰字宗讓少從鄉先生宋瑜受春秋又從訓導林友從受易後進以二經高第者多出其門又與林誌相倡爲古文宣德七年應天尹聘司文衡泰辭曰布衣也敢去取畿甸士哉平生好古遵禮母喪家貧數年不能葬布衣蔬食嘗如袒括日偶語及則泣然泣下與薩琦善琦父卒欲用色目禮治喪泰力止之弟澤永樂甲辰進士官浙江道監察御史子紋繹皆永樂丁酉舉人繹字從思授